

永樂大典

卷〇七三七 郎字

卷〇七三八 郎字

卷〇七三九 郎字

永樂大典卷之七千三百二十七

郎

承信郎

沿華宋史職官志政和二年詔易武選階以三班借直為承信郎

事實宋劉才邵彬溪集趙伯鎮換授承信郎制勅便宜黜陟蓋一時之權銓曹恭覆乃加真授而先次換給所以示優其承殊恩蓋思自勉可
吳宗謹承信郎制勅爾頃在殊方備嘗艱阻嘉其忠恪何惜一官祗服恩榮益思自勵可許輸襄陵集虔州坑壩火齊之才可承信郎為自備才
力不惜官本費到淨利依格補官勅某地有珍產爾能發之以佐國用在法當錄勉爾力以聽官使可
邵護為父陣亡可承信郎制士有伏節死事不得身受典賞則子獲承之所以明恩而起信也
金重寶等授承信郎制
邊吏無良義戎弗率靖夏失守覆我嘉師朕心惜焉不忘震悼
深詔執事厚錄其孤俾扶以官用慰伏節惟忠惟孝往服恩榮勿忝前修
祗若予訓
節度使郭仲妻姪陳乞補承信郎制朕於殿嚴之臣加厚

其老而勤恤其亡猶以為未也至其族姻多俾甄錄而爾蒙澤焉往飭其躬以聽官使可 蕃官男為父陣亡補承信郎制 勅某等朕以仁覆天下欲息兵甚間者夏賊擾邊師不得息至使豪俊創壽於鋒鏑忠義伏節於原野非朕志也故深詔執事錄死事者之子孫厚厥寵秩稱朕所以哀矜之意可 周江呈試武藝補承信郎制 有司以爾武力聞朕臨觀便殿挽強蹕勁可官而使往祇寵命圖所以報可 策移訛承信郎制 邊吏言爾去戎即華忠効純白有力於軍旌爾以官往其圖報 屈兒授承信郎制 爾能勤事伏節精白著明而弗獲受賞朕甚矜之秩爾以官用勸忠順 待詔沈明補承信郎制 爾服勤禁苑積有功緒寵以官使往虔勿懈可 林致和修造所有筓並補承信郎制 勅爾等祇服禁嚴有勞可錄膺茲寵秩往懋事功可李爾選竹溪集彭大郎補承信郎制 毀家以紓國難麟經褒焉爾祖以賢奉公軍用不乏一官及汝以報其忠往服寵休益務恭恪 霍興贈承信郎制 捨生取義知命者所難而爾能體國奮忠殞身王事錫官一等追賁九原魂其有知歆此殊寵 陽衡嗣興補承信郎制 伏節死誼知命者所難爾父忠勇帥眾至於殞身朕甚憫焉既復其秩復命爾官恩則厚矣其思所以保之韓駒陵陽集故贈華

州觀察使 王某埒黃尹等可承信郎制 勅具官某朕哀廉察之臣殫
身從事所以拊卹其家甚厚願以爵賞馳於親屬汝尚竭力無忝朕恩可
徐勉等補承信郎制 勅具官某等士能不愛其身數與虜碩朕獨何
愛官爵不以及其子乎可 吳熙等補承信郎制 勅具官某盜起吳中
汝多俘馘蓋功無不錄所以廣恩也可 王仍有三項白身恩澤可回授
與妻兄之子歐祐禧裕三人各持補承信郎制 勅具官某等任子之法
雖大臣不得以及異姓今予左右之臣厥功甚茂願加惠於姻黨朕何愛
爵賞不以慰其心汝尚盡力無愧所親可 進武校尉劉世良等捕賊有
功轉承信郎制 勅具官某軍吏有功計級論賞尚思竭力効用轅門可
將仕郎分水縣尉伍徽招賊有功可承信郎制 勅具官某爾入貲補
官計功受爵勿謂武弁而不究心可 効用陳序承信郎制 勅具官某
盜發潢池爾多俘馘功無不賞以勸勤勞可 故承信郎王安奇男士明
為父致賊殺害可補承信郎制 勅具官某爾父見賊奮不顧身命爾入
官以酬蓋節可 進武校尉張勅等招賊有功與承信郎制 勅具官某
等賊心弗悛復出為惡汝具知其謀議禽捕悉平寵受官資各思自効可
揚秀才補承信郎制 勅具官某爾素推豪族性稟恭勤宜襲漢官永

固邊圉若能和輯種落肅靜峒谿則上報君恩下全世守可舊官常缺
轉承信郎制勅具官某平燕之役爾在兵間寵畀一官以激餘勇可
進武校尉朱玩等與承信郎制勅具官某汝為鐵官鼓鑄增羨豈無爵
賞以勸勤勞可進義副尉張澤捕賊有功轉承信郎制勅具官某殘
虜犯邊壯士用命書勲增級用激三軍可毛景修特與承信郎制勅
具官某戰歿之臣官其族屬雖國常典亦予至仁可胡果補承信郎制
勅具官某惟汝父淵身膏草野官畀汝勿忘立功可忠翊郎張濟
可敦武郎秉義郎王宰可修武郎承信郎崔彥武可忠訓郎進武校尉蔣
徐可承節郎鄭延路漢弓箭手第七指揮長行冠直可承信郎制勅具
官某等平賊之吏已踰歲時嘗詔有司趣定功賞可白身人漸之進可
補承信郎制勅具官某方內久安盜剽竊發爾父勇敢督捕捐軀茲命
爾官以旌勤事可進武校尉何渠丁改並承信郎制勅具官某等卒
伍逃亡或為盜賊有能招集是亦微勞可武義大夫折公良二子忠傑
成忠郎忠孝承信郎制勅具官某漢封弓高許其世襲汝父善戰邁疾
而終其命有司官其二子可馮芝等為旼處約陣亡恩澤補承信郎制
勅具官某國家雖邁恩賞常卹戰亡故凡婚姻慈蒙貶爵爾受休寵尚

知戒哉可 景孝友為堂兄孝忠方賊陣亡補承信郎制 勅具官某兄弟急難常情歎息今忠義戰歿馳爵爾曹恪謹其務無忝休命可 承信郎張師孟復舊官制 勅具官某以法威氏坐累必罰以寬臨下遇赦皆蠲可 李彥章可承信郎制 勅具官某言念小臣殫身勤事錄其後裔用勸群工可 楊瑜等補承信郎制 勅具官某羽林宇孤始自西漢言以戰死良用盡傷汝性即官勉為忠孝可 攝承信郎朱珪可承信郎制 勅具官某群盜悉平第功行賞獨汝未錄考實如章可 陳輝授承信郎制 勅具官某由汝勤力息銅日舊俾綴官職尚勤勿懈可 故武德郎魯成陣亡男仲圭等並可承信郎制 勅具官某終日力戰義不顧身官其孤兒以激勇士可 蕃人馮植承信郎制 勅具官某朕於臣子較考授秩特增一等用示優恩可 西方企仁補承信郎制 勅具官某終日力戰義不顧身勇士戰歿深可憫傷汝當悉心卹其家事可 許景衡橫塘集李忠等補承信郎制 勅具官某金冠犯順軍書奏報爾等有勞各命以官往其欽服可 郭元明補承信郎制 勅乃者逋卒迷而不復爾能道朝廷恩意俾之悔罪自歸有司今錄爾勞命官初等往其祗服益思報効可 南景仁可承信郎制 勅某爾以勇果從軍兩河畢事奏功宜

膺初命祇服寵獎益務公勤可 孟洵等並合轉承信郎制 勅某等樞
臣總戎鎮撫北道爾等各肆帳下有奔走之勞往服初命益務忠謹可滿
良責默成居士集王俊彥補承信郎陣亡恩澤制 勅具官某叛逆干常
將士用命既第戰功之賞尤先死事之人衍其恩榮俾及親屬是為渥澤
蓋以勸忠往其祇欽毋忘報稱可張廣東憲集鄒文轉承信郎制 勅某
人間者嚴奉梓宮實國大事爾以舟楫祇命甚虔濤江之杭如遇枕席增
秩示賞用酬其勞 夏惇黃瑱南清崔之綱並補承信郎制 勅具官某
等漢制死事之孤養於羽林蓋使嗣其祿也爾以外舅歿於干戈獲露遺
澤肆命以官以示吾優恤之意爾尚勉之 游李雄換給承信郎制 勅
具官某爾妻之祖歿於行陣爾露遺恩豈常格哉聞外便宜雖補爾官命
易以真亦以見死事之家朕所優也 葛中立轉承信郎制 勅具官某
郵傳在途尤戒嚴密爾嘗祇事遺發有勞其增厥官以示勸賞 耿椿年
補承信郎制 勅某人賜恩外嫻朝廷所靳惟死事之家則得之所以勸
忠也爾之補官益用此例可不勉哉 趙公曇補承信郎制 勅某人爾
以宗子頃遭淪隔脫身間閭志節可尚肆命以官以為爾勸 段延憲李
光輔換給承信郎制 勅具官某等死事之孤義無不錄帥聞承制秩爾

以官中錫贊書俾從真授。杜存補承信郎制。勅具官某。爾祇事掖庭。閱歲寔久。比因遜位之慶。肆頒錫勞之恩。命爾以官。宜思報稱。許安禮。轉承信郎制。勅具官某。朕仰惟太母還宮。華土均慶。奉迎之始。爾預有勞。增秩示恩。往承母志。崔憲政補修武郎。崔憲成補保義郎。陳敦劉興。並補承信郎制。勅具官某。爾等咸繇忠義。不忘本朝。脫身來歸。良用嘉歎。肆命以秩。其務欽承。宗子趙師道補承信郎制。勅朕推親親之仁。不間疎遠。所以厚宗族也。以爾幼遭淪陷。脫身自歸。年既及冠。可以仕矣。肆命以官。往其欽哉。張彥補承信郎制。勅具官某。爾奉樞筦之機。疆幹有聞。肆命以官。以為爾勸。益思自慙。圖報朕恩。戚可恭。換給承信郎制。勅具官某。朕錄兄之裔。所以勸忠也。爾以猶子。嘗預優恩。申錫贊書。俾從真授。益思自效。期稱所蒙。王偁補承信郎制。勅朕駐驛具會調度。日繁。爾伯父冲允。首傾家貲。以佐國用。嘉其忠義。命以賞延。申錫贊書。益圖報効。左之剛。換給承信郎制。勅具官某。死事之典。念亡錄存。爾以其婿。嘗霑遺澤之寵。申錫贊書。俾從真授。益思自勵。以稱所蒙。張濟王戩。並補承信郎制。勅具官某等。艱難之時。用命則有賞。念功之際。死事所宜優。遺澤之加。許霑其婿。是為異典。爾等尚勉之。李遵補承信郎

制 勅朕哀亡念存。不吝爵賞。爾父以身抗賊。殞于鋒鏑之下。錄爾以官。以為盡忠者之勸。尚勉之哉。花辛轉承信郎制 勅具官某頃者群醜。嘯聚弄兵。潢池爾屢執堅。擒捕自效。肆頒信賞。其務欽承。周諒補承信郎制 勅某人。朕臨遣輔臣遠修鄰好。出疆之始。幹敏是資。肆命以官。式昭爾寵。無忘勤恪。用稱恩休。漢兒郝恕。劉橫並補承信郎制 勅具官某等夙膺忠義。不忘本朝。脫身自歸。良用嘉嘆。肆頒厥秩。其務欽承。高靖尹進。並補保義郎。王浩。顧寧。並補承信郎制 勅具官某等。比遣近彌。案行營屯。內申警備之嚴。外廣綏懷之策。王靈所及。人自革心。既效順以歸來。豈錫恩之可後。肆命以秩。用勸乃忠。郭庭俊補承信郎制 勅某人。死事之臣。朕所傷慙。以爾繼絕。俾承其宗。肆命以官。宜思自勵。李決。換給承信郎制 勅具官某。死事之家。朕所優恤。爾以其婿。嘗預優恩。申錫贊書。俾從真授。益思自勵。以稱所蒙。宗室趙師敏。持補承信郎制 勅具官某。朕遵列聖之憲。厚九族之仁。矧當艱難之時。尤優惇叙之典。以爾幼遭淪陷。脫身來歸。養於公宮。平及冠矣。爰錫以爵。俾服官職。往勵爾忠。期稱朕命。王彥雍。乞得。並補承信郎制 勅具官某。爾等淪陷之久。忠義不忘。脫身來歸。有足嘉者。肆命以秩。其務欽承。孫觀。馮慶。居士集。趙

邦補承信郎制 迺者盜起東南偏師進討將士用命殄滅無餘爾以勞能上功幕府進膺懋賞汝往欽哉 閫維轉承信郎制 大將東邊群才並驚奮於用間爾以名聞往踐一官以圖報稱 左良辰承信郎制 朕分遣使臣宣勞萬里爾能自奮慷慨請行朕用嘉之進官一等益肩忠蓋服我恩榮 進義副尉蘇子震承信郎制 爾不愛軀命間閱賊中裒善叙功進位一等益思勉勵以稱恩休 焦詔補承信郎制 渠魁授首于今七年矣異時將帥猶以未錄之功請于朝者功疑惟重何愛一命以為後來之勸 鄭元亨承信郎制 纂承之慶章及四方爾常駿奔以給吾事一官以懋厥勤往其祇服 俞億補承信郎制 忠力之士以身徇國而飾終之典錄其子孫所以勸天下之為忠為孝也往祇休命無忝前人 党中道中立中和各補承信郎制 爾父以死勤事朕甚悼之既賻恤其家又錄其子往踐一官無忌忠順以永綏于寵祿 洪文安公集趙師韓趙彥純補承信郎制 禮部狀取應宗子趙師韓趙彥純狀四經到省覆試不中 年四十二上乞依舊舉條令檢准今諸宗室非袒免親取應三經覆試不中 年四十二上者取旨量材錄用奉聖旨並與補承信郎國家設宗子貢舉之制可謂優矣爾四舉禮部而卒無成年及強仕援此自言錫汝

一官茲惟殊渥汪藻浮溪集宗子趙彥謨補承信郎制 爾宗室子學業中程更此湛恩宜登仕版益勸講習上答所教 進武校尉常益等可承信郎制 爾頃因遣使奉勅以從既返國都宜酬其績進官一等尚勉之哉 趙善淑等各可補承信郎制 公族國之枝葉也葛藟猶能庇其本根而况於國乎此朕於艱難之時敦睦之恩尤不敢替也汝等幸同屬籍歲久浸蕃雖宵出祖宗信厚皆如麟趾然身夷編戶貧者或乘牛車各命一官使之從仕往安爾祿無負朕恩 任決補承信郎制 春秋時士有死兵者其家必得志於其國蓋責人以所甚難者其報當爾也今予以爾從弟某死於城守褒卹有加澤之所覃遂至官汝嗚呼汝知夫死者不可復生而國家之恩不可妄得也可不勉哉 謝才等補承信郎制 頃者盜發潢池東南震擾汝從民伍新虜有功何惜一官旌其忠勇尚圖來效以稱朕恩李璧鴈湖集蕭清已轉承信郎制 乃者冊府奏篇來上褒進諸儒示不忘勞也爾肆臺院亦預祗役列還官秩宣謂幸哉往思忠勤以稱恩厚范石湖大全集將仕郎戴安國捕獲海賊可承信郎制 爾象于海濡為郡耳目冠船畫儀服襍過門物色成擒議賞中率益懋多績嗣茲以聞 忠義軍統制官耶律适哩妻弟蕭慶元可承信郎制 爾父遼東

之憂屢亢雖屢卒與姻黨同歸本朝何惜一官併寵其息明州水軍統制下重珍招安到海賊倪德等可補承信郎制東溟稽天盜倚而肆帥間有命國威風馳爾奉辭揚靈畢背弭楫其祇贖賞無怠忠勤進勇副尉陳廣捕獲海賊可承信郎制茲盜阻海徼巡難攻爾以才豪為郡所遣揚於巨浸俘致酋魁錫官疇庸更勉來效張建陣亡與子德普恩澤補承信郎制爾父死於敵錄爾以官所以報也往哉惟孝惟忠以顯父休周益公大全集進武副尉陳玠轉承信郎制勅某人乃者祖妣聖容歸安原廟汝嘗服役例獲進階往祇異恩尚勉來効可宗子伯瑀三經覆試不中年四十已上補承信郎制勅某人汝席慶天文自力于學雖三戰不勝而其志可嘉禮曰四十強而仕汝年至矣錫之一命毋怠初心可岳飛孫甫中經緯紀綱並特與補承信郎制勅某人等善善及其子孫春秋之誼也乃祖既信肩於地矣其可使汝曹尚與編氓齒乎各命以官勉圖報國可忠州中取應宗子趙不括昨於紹興二十九年取到夔州路轉運司文祥當年九月赴四川置制司類省試院覆試中第六名丁憂赴御試不及補承信郎制勅某人乃者深念宗盟或游蜀道均以十人之制竭其萬里之來汝既中程是當錫命往聯右列尚勉後圖可

歸正人營煖補承信郎制 勅某人爾父捨逆歸順不幸功未究而繼以死錄孤之澤踰二十年雖阻隔畿疆而王命不墜茲能自拔申畀前恩勿忘父寬尚勉國事可 量試宗子合格二百六人內趙汝弼補承節郎餘並補承信郎合格雜犯附榜人趙師厚等一十八人亦補承信郎展二年出官制 勅某人等太上皇親以璽跋授朕朕日承慈訓常懼之弗嗣永惟明俊德以親族雖唐堯不敢後也故首下量試之令以官支庶而爾等各負文藝應有司之格其錫一命使從官政子夏曰仕而優則學學固無窮也母以既仕而遂自止焉可張紫微先生集蓋成授承信郎制 朕賞恐踰時付便宜於帥闡功圖實效嚴考覈於吏銓茲命為真往勤圖報可特授承信郎鄭起潛立庵集白身借補人程貴特授承信郎制 汝說德歸誼戰功曰多錫之勇爵何以假為服此寵休勉圖忠報 歸朝人南師孟換授承信郎制 朕惟率土之濱莫非王臣爾說德歸誼趨事赴功既無二心何愛一秩勉思忠報嗣有寵榮衛後樂先生集袁案因講筵論語微章習學文字轉承信郎制 魯論終篇儒臣第賞爾習刀筆亦與有勞遂陟武階抑云幸矣可不勉哉可劉行簡荅溪集田永年乞將父寶為建州軍賊殺死恩澤補女夫許登承信郎制 勅具官某朕於死事之臣未嘗

不側焉。動心思其族類。唯恐或失。所以勸義士而羞叛人也。爾其異姓之親與。霑命秩。宜知自飭。以稱所蒙。可。吳諱以妻父陳思恭陣亡。恩澤補承信郎制。勅具官某。朕聞夫忠義之士。殞身矢石。不得終于牖下也。原恤其家。以及姻黨。爾獲霑命秩。其思所以稱之可。賈進賊黨自首補承

信郎制。史宣歸正。轉承節郎。換給付身詞云。爾恥於從偽。自擇甚明。有嘉其忠。超進官秩。中以書命。其尚知榮。勅具官某。爾審於自擇。轉敗為功。可

謂智矣。錫之命秩。其尚知榮。可。郎誠以妻父未棄。奉使未回。恩澤補承信郎制。勅具官某。信使出疆。淹時未返。惕然興念。厚恤其家。爾惟外姻

膺此命秩。其知自飭。以稱寵榮。可。寇忠陣亡。贈承信郎。與一字恩澤制。勅具官某。爾奮于行陣。固敵是求。今爾殞身。朕實有愧。寵以命秩。并錄

其孤。魂而有知。歆此至意。可。陳惟忠以父陣亡。恩澤補承信郎制。勅具官某。昨者虜犯襄漢。爾父抗敵至殞。厥軀。朕心聞焉。疏思其孤。以勸義

士。以慰九泉。可。吳泳鵬林集。趙必飭授承信郎制。勅具某人。爾在屬籍。迭居西土。能以文藝中履。試格雖灾。病遭連弗克。造庭。錫之武階。厥有異

比。示不忘遠也。可。趙若鑄崇恩。並授承信郎制。勅具官某等。朕率循

舊典。策宗子進士于大庭。爾以西蜀道遠。疾病遭連。不獲奉詔。錫之武爵。

厥有鼻比往哉體予睦族念遠之意可 郝浚授承信郎制 勅具官某
守令親民之官而令於民尤近矧漣水介在淮北新還叛圖收馭撫摩蓋
難其選爾慷慨有義氣曉暢邊事外擗加借武爵俾字我百里之民比及
一年已著嘉績茲錫真命往哉無棄爾成可 趙邦寧授保義郎佟仲源
等一十三人並授承信郎 勅具其人等朕奄九有之師開中興之緒冠
帶而長爵及爾曹祿除舊汙往服新命可 進義校尉王子宜補承信郎
制 勅具官某昔祖宗朝士以畫一策獻一詩而得官者多矣矧紹定辛
卯坤方阻江爾以儒家子自奮右科永白永持制檄左右戎旃輻輳智畧
潰軍邁即盪定華之以武爵未為過矣雖然事會之來無窮益壯爾猷以
埃褒擢可 張震雷張萬取授承信郎制 勅某等國家以兩科取士揚
于廷而後官之舊典也汝出贊于軍以王事多難不能入對帥相轉而上
聞朕安得不亮其心哉錫之武爵尚懋厥勤可 劉宗孟授承信郎制
勅具官某建郡盜起朕設賞格以迪有功爾以布衣諸生乃能率先王師
深入其阻可謂勇於義矣賊既蕩平郡太守以功上何惜一官不以示吾
信耶可 彭汝舟授承信郎制 勅具官某往歲山東義旅歸附全賊包
藏禍心凡忠於國異於己者必除去之爾父義斌寔蹈斯害然義斌雖死

矣忠魂毅魄凜然如生汝舟既以狀聞何惜一官不以謝山東之義子弟
可徐炎卽補承信郎制勅具官某朕於名器不輕以假人爾布衣諸
生耳能以三江百餘家之衆應接數千衆已潰之兵編戶不驚糧儲無闕
三州郡將交章薦聞朕何惜一官不以旌汝可石良輔授承信郎制
勅具官某嘉定己卯虜兵窺蜀探騎直闕潭毒之下爾父宣提偏師掩擊
於三泉隻馬奇輪無返者天奪我名將賞方下而死焉亦可憫矣錄汝等
以官先皇帝之賞格在宣以久而不昇矜爾耶益思忠勤服我休命可
吳克仁補承信郎制勅某祖宗朝士以盡半策獻一詩得官者多矣矧
峒寇披張之時高能捐家財結塢寨鳩率義丁生致完渠而戮之如克仁
者可不褒賞之哉華之武將以風多士可全大受全涇全照孫徐良錢
仰之謝文彪謝文榮許大成鄭大澤並授承信郎制勅具某人等周以
王舅于邑于謝後世之光寵外親者率援此推恩褒廣博矣朕既備長秋
之冊以官后族因是謝人併及其親汝等母曰一命可以幸得也可錢
肇授承信郎制勅具某人朕正建中閏助理陰教允其戚屬特命以官
其思名器之不輕益敬共而匪懈可聶聞禮張銘蔡必簡並補承信郎
制勅某等朕並建妃嬪輔理陰化凡其戚屬各命以官汝其思名器之

不輕往敬共而靡懈可 俞 俞祀劉元植並授承信郎制 勅具官某
等追惟沂邱誕正名攝凡內外戚屬咸霽恩典爾亦肺腑親也拔之白丁
畀以一命其思敬共母曰官可幸得也可 燕宗仁宗道並補承信郎制
勅某人等召公之裔榮王之甥於朕則戚屬也朕方追惟文共之德施
及伯姊則如其孤何惜一官不以旌寵可 全忠孫石孝廣邵若森張堅
等補承信郎 勅具某等朕於后戚之家不欲以恩挽法然我文母既濟
附于太室則推報親之恩以廣逮下之仁亦義之所不容廢也爾等皆恭
聖親屬席慶深長命之一官往其祗服可 官兵固端何青王俊贈承信
郎制 勅某等往者峒寇慢防興師討擊汝等執事戎行敵王所愾以氣
吞賊遂殲元身功既當酬忠尤可憫追贈厥秩仍錄其孤死而有知尚服
休寵可 祝邦傑贈承信郎制 勅具官某往者峒寇慢防興師討擊爾
以殿嵩將領摩壘而前捷聞酣戰於白水之下扶劍而歸元身遽殞亦可
傷也追贈錄孤以旌毅魄可 廖澄授承信郎制 勅具官某三衢盜起
弄兵於山谷間往往而群爾為鄉豪乃能自費糗糧率隅丁以擒捕大小
凡一十一戰卒能蹙賊同功一體之人已命之官矣使非郡將以狀來上
寧不遺汝之功耶特升一階以旌其勇可 郎張世興